

詩賦盟傳奇

下

詩經圖傳

詩賦盟傳奇卷下

西湖居士編次

集艷主人較閱



第十九齣 大宴

真珠馬

真珠簾末紅蟒紗帽執笏上文堂頗牧鏗鏘

鐵共步瀛洲兼補闕內外倚寧貼談笑靖胡塵山河

永宴清九天瞻日月八座會風雲下官于志寧薦張

寶相爲帥擒了頡利突利二可汗斥地自陰山北至

大漠盡皆臣服漠南遂空皇上以下官薦舉得人加

爲太子少保值東閣昨上御樓受俘詔今日設太子

宴于未央宮。奉上皇壽。大宴群臣。四夷君長。不免在此伺候。外紗貂綠蟒執笏上風馬兒。燕饗鍾鳴鼎列。丹心寫。蹇蹇是匪躬之節。

力挽天河水。吞胡洗甲兵。功完奏天子。圖畫上麒麟。下官虞世南是也。孩兒虞基。參軍有功。蒙聖恩。除授內史郎。今日大宴。來此候駕。前面大臣鵠立。想是于親家。上前相見。老親翁請了。末老親家請了。外昨承不鄙。俯結絲蘿。未及踵拜。末承不鄙。小女愚陋。得待令郎。蘋蘩萬幸。聖駕早到。率班朝見。

謁金門

生扮唐太宗冲天巾蟒玉雜扮內侍上躬受

禪運際河清海宴堪幸夷王俘共獻龍飛天利見

千里靖風烟功成指顧間皇輿大一統率土樂堯

天朕乃大唐天子李是也式九圍以共主爲萬國

之朝宗玉帛盡乎中華聲名溢于蠻貊邇者突厥

跳梁張寶相擒其渠魁胡華一統亘古所無今日

設太平大宴于未央宮奉太上皇壽宴文武百官

四夷君長朕先在此迎候上皇駕臨末外朝見介

臣等願陛下萬歲萬歲萬歲生文武班聯四夷君長

齊集了麼。末外百官班齊。四夷賓服。候聖旨。生既
班齊。敕于東閣爲文官領袖。末領聖旨。生虞永興
爲武臣班頭。外領聖旨。生各官整肅威儀。朝見上
皇。登筵就敕。二臣監察。末外領旨。

前腔換頭。小生扮唐高祖金盤龍冠蟒玉旦小旦扮
宮嬪隨上。小生放馬桃林戈戟偃。一統山河無限。付
托得人何所憾。大宴長春殿。

生朝見介。臣願父皇萬歲萬歲。小生吾兒同之。
平身。生起傍坐介。末外文武百官四夷君長慶賀。

太平願太上皇帝洪福齊天，既壽永昌萬歲萬萬歲。
小生卿等平身，各依品級而坐。我想漢高祖困
于白登，終不能報。今我子能滅突厥，胡越一家，自
古未有。吾付托得人，復何憂哉？末外內齊呼萬歲。
介生內侍進酒過來。太監進酒，土捧跪介：世民爲
父皇壽，願父皇飲此酒，萬壽無疆。小生接酒，介皆
吾兒之功也，與吾兒同之，平身。

夜行船序：生起坐介，內作樂。旦小旦進酒，太監進
末外酒，坐太監宮嬪等立合唱：光被華夷，協堂簾喜。

起太和盈陛。賓筵裏主聖臣賢。雍熙偏宜擊鼓吹笙。
共慶海宇親賢樂利。生還喜濟濟是稷契。畢夔輩輔
持燮理。

〔末起跪介〕臣啟陛下。文班大臣等進壽觴獻太平
聖德頌一章。冒千天聽。小生奏上來。〔末吟介〕巍巍
聖德舉無前。蕩蕩難名果則天。日月光昭新氣象。
雷霆威震舊山川。崧高再詠清風誦。天保重歌萬
壽篇。自是胡華嘗一統。歡騰千載靖烽烟。小生笑
介。佳作佳作。拏酒來。朕當滿飲。

前腔

第二
換頭

末進酒作樂唱師濟。膽瀝裏披願君王。戩

穀罄宜無已。堂皇上山阜岡陵天齊。還期福祉駢濟。

皇運永膺鬱葱佳氣。臣愚過慮昌熾保國祚久長之

計。

外起跪介臣啓陛下。武聯大臣等進壽觴獻太平

聖德頌一章。冒干天聽。小生奏上來。外吟介塞上

旌旗此日雄。剖符命劍出關中。已誇三捷能傳箭。

蚤服諸番可掛弓。天子軍恩玄武闕。上皇清讌未

央宮。謳歌四野家絃頌。萬國車書禮樂同。小生笑

介妙作妙作拏酒來朕當滿飲

前腔

第三
換頭

外進酒作樂唱黼宸絃續神怡慶萬邦有

主永綿神器椿庭上眉壽無彊耆頤觴飛玉斚金卮

如月就盈曦輪初馭昌期茂對泰亨年共祝蕩平無

際

末外同跪介臣啓陛下四夷君長皆求奉觴稱壽

不敢擅便請聖旨生着他上來末外奉旨着四夷

君長上前稱壽者

四國朝前爭老旦扮上淨慢說慢說英雄的如何

來庭下逞。老旦更有更有英雄的歡騰共拜稱。

跪伏介臣等頡利突利及四夷君長稽首闕庭蒙

天王覆載之恩生全賜宴感戴不勝願效犬馬拜

舞稱觴進酒太監傳上淨老旦願太上天王萬萬

歲壽比南山福如東海拜介小生爾等忠孝可嘉

各賜酒一巨羅起舞一回淨老旦領旨謝恩

前腔

第四換頭

跪飲起舞唱元濟飛渡神機盡俘囚闕下

側聆天語皇恩浩雨露風霆交濡須知膽落冤讎稽

顙闕庭觀光殿陛從此允服遠人心朔漠永清無備

淨老旦跪介臣等四夷君長啓奏上皇願尊皇帝
陛下爲天可汗。候旨。生我爲大唐天子。又下行可
汗事乎。小生不可辜了遠人之意。是後以璽書賜
西北君長。皆稱天可汗就是了。

六么梧葉六么令淨老旦呼萬歲介衆合唱德威廣
被異域中華可汗瞻依。自南自北自東自西無不服。
盡思歸。梧葉兒振鷺于飛。宴飲于胥樂兮。

小生醉介今日胡越一

臣同樂吾醉矣

彩旗兒唱黃流浮漢鼎。綠蟻泛秦契。但願歲歲年年

金甌翬十六字危微傳後裔。

〔末外淨老旦奏謝恩介〕臣文武百官四夷君長伏闕謝恩。願太上皇帝萬萬歲。陛下天可汗萬萬歲。

〔小生起駕。〕

尾聲太平御宴相悅豫。梧鳳卷青權。阿釋萬幾貽厥孫謀垂燕翼。內作樂次第下。

第二十齣 上京

吳小四丑新青衣搖擺上翠苔官。心喜歡過了殘冬賀新年。新青布袍鞋襪換。吃了糕兒又湯團。屠蘇酒。

呷一碗。

門上桃符彩，壺中椒酒香。梨兒腮肉啃，瓜子袖中藏。昨霄元旦過，今朝初二方。打牌并踢鬚，其實好風光。笑介快活快活，不曉我官人節也不賀酒也不飲，終日愁眉。我做了他小娘家嫖一嫖，南湖裏踱一踱，有何而不美哉。言未已，官人來了。

燭影搖紅前，生改扮上。兀坐幽牕，眼觀歲序如蓬轉。小舟載月獨歸家，心緒多絳亂。

蝶戀花前，誰向椒盤簪彩勝。整整韶華爭上春。

鬢往日不堪重記。省爲花長抱新春恨。小生駱俊
英。自關河送別。小姐歸來。忽忽如有所失。甫能捱
過殘冬。喜得聿頒新曆。元旦已過。今日拜別了老
父。入京踐約去也。父親有請。

燭影搖紅後。外。改扮上。展眼流光頻換。挹椒漿金疊。
屢勸及今不樂。未審來年誰康誰健。

蝶戀花。後春末來時先借問。晚恨開遲。蚤又飄零
近。今歲花期消息定。只愁風雨無憑準。孩兒新年
親友來拜賀。我年邁不能回禮。你今日代我去回。

一回生施張二老伯孩兒昨已拜過今年大比欲
拜辭爹爹上長安赴選其餘不回也罷外試期尚
遠何必早進京我六旬已上筋力衰髦你若去了
舉眼無親再遲一月未爲晚也生孩兒早進京溫
習經史以圖必中光顯門楣孩兒立志已決爹爹
勿阻外拭淚介你立志如此固是好事只是我怎
捨你遠離膝下再從容幾日生今日甚吉不耽閃
了外既然欲去叫翠苔治裝將酒過來丈夫非無
淚不酒別離間滿餞一盃以壯行色丑正好要

又要出路酒在此

淮拍

外把盞生跪接介外送孩兒京師上官。歷關山

千苦萬難。此行非同小看。上林紅杏。須蚤躋攀。遠路

風霜。戒謹饑寒。令兒別去。老影孤單。頻寄信。奪標還

翠茗。快束裝。隨大官人去。生這小廝。屈強。不堪帶

出路。可着路德多帶盤纏起行。上下一小生挑行李

上日近長安。遠心堅。事竟成。稟官人。上京赴選。是

第一件大事。小人怎敢辭勞。但行李中帶這許多

銀兩。路上千係非小。生此去倘得一官。也要使用